

嚴州府志卷之十

嚴州

府知府楊守仁 主脩

同知龔天申

通判趙秉孜

推官宋行可 同脩

四川布政使司左叅政徐楚 纂脩

嚴州府儒學訓導楊德輿

葉萼

淳安縣儒學訓導顧汝紳校正

嚴州府儒學學生員徐方

建德縣儒學生員張世聞

淳安縣儒學生員徐應壽

桐廬縣儒學生員羅昌齡

遂安縣儒學生員吳兆麒

壽昌縣儒學生員李度

分水縣儒學生員陳復華彙集

嚴州府

治行志

蔽芾甘棠勿剪勿伐周人所以思召公也此邦名宦自二千石以下有治理效者多矣去有思尸有

祝至於沒世不忘焉蓋親賢樂利之懷自有不容已者但其間亦有善政可書歷年滋久未嘗立傳者止書其政蹟於履歷之下云

遺愛政蹟

睦多良吏賀伏羊任宋李范趙呂胡張陳六

邑賢今表表同稱百年俎豆遺愛在人

太守

漢

賀齊字公苗會稽山陰人少為郡吏孫策臨郡察

其孝廉建安十三年遷威武中郎將討丹陽黠

歙賊時武彊葉鄉東陽豐浦四鄉先降齊表葉
鄉為始新縣而歙賊帥金奇萬戶屯安勒山毛
甘萬戶屯烏聊山黥帥陳僕祖山等二萬戶屯
林歷山四面壁立徑路危狹不容刀楯賊臨高
下石不可得攻軍住經月將吏苦之齊視形便
陰募輕捷士為作鐵戈密於隱險賊所不備處
斬山為緣道夜令潛上垂布援下得上數百人
四面流布俱鳴鼓角齊勒兵待之賊夜聞不知
所為守路備險者皆走還依衆大軍因是得上
大破僕等其餘皆降凡斬首七千齊復表分歙

為新定黎陽休陽并黥歙凡六縣權遂割為新
都郡以齊為太守立府於始新加偏將軍後餘
杭民郎稚合宗起賊復數千人齊即討破賜齊
輶車駿馬令導吏卒兵騎如在郡儀權望之笑
曰人當努力非積行累勤此不可得後從權征
合肥與陸遜討鄱陽賊兀突斬之料得精兵八
千人魏使曹休來伐齊往新市為拒齊性奢綺
尤好軍事兵甲器械極為精好所乘船雕刻丹
鏤青蓋絳襜干櫓戈矛葩瓜文畫弓努矢箭咸
取上材蒙衝闔艦之屬望之若山休憚之遂引

還領徐州牧卒按討平山越分置諸縣立府為
太守皆自賀齊始有功茲土盖非淺矣邦人至
今廟祀之 陳壽傳

吳

孫韶字公禮本姓俞孫策愛之賜姓孫列之屬籍
後為將軍屯京城起樓櫓脩器備以禦敵孫權
嘗從椒丘還引軍至城下營試攻譙之兵皆乘
城傳檄備警謹聲動地頗射外人權使曉喻乃
止明日見韶甚器之後拜鎮北將軍韶為將數
十年養士卒得其死力常以疆場斥候為務故

鮮有負敗自權西征還都武昌韶不進見者十
餘年權還建業乃得朝覲權問諸屯要害遠近
人馬衆寡姓名盡具識之所問咸對韶身長八
尺儀貌都雅權歡悅曰吾久不見公禮不圖進
益乃爾甘露初於建德水濱得大鼎進之吳主
因改元寶鼎封韶為建德侯 陳壽傳
陳表字文興廬江松滋人嘉禾三年領新都尉在
官三年廣開降納以功加偏將軍

晉

周嵩字仲智汝南人浚之子顛之弟也狷直果俠

每以才氣陵物元帝作相引為參軍及帝為晉
王又拜奉朝請百官請上尊號王不許紀瞻曰
晉氏統絕於今二年劉聰竊號於西北而陛下
方高讓於東南所謂揖遜而救火也嵩上疏曰
今梓宮未返舊京未清宜開延嘉謨訓卒厲兵
先雪社稷之恥副四海之心則神器將安之哉
由是忤旨出為新安太守怏怏不悅臨發與張
嶷在戴邈坐褒貶朝士帝怒收嵩付廷尉坐怨
望抵罪是時元帝勢盛漸踈忌王導等嵩上疏
故導獲全王敦既害顓而使人吊嵩嵩曰亡兄

天下人為天下所殺復何所吊敦甚啣之後遂
誣嵩而加害嵩精於事佛臨刑從市猶誦經云

晉史傳

宋

江秉之字元叔濟陽考城人為山陰令人戶三萬
政事繁擾秉之御繁以簡常得無事有能聲補
新安太守所得秩祿悉散之親故妻子常饑寒
在郡作書架一枝去官留以付庫 新定志

羊欣字敬元泰山南城人為新安太守在郡四年
以簡惠著稱除臨川王義慶輔國長史不施文

帝重以爲新安太守在郡十三年樂其山水嘗
謂子弟曰人生仕宦至二千石斯可矣及是便
懷止足 宋史傳

齊

蕭幾字德玄齊宗室早孤有第九人並幼幾恩愛
篤睦聞於朝廷清貧自立位中書侍郎尚書左
丞爲新安太守郡多山水特其所好適性遊履
遂爲之記卒於官 新定志

蕭穎胄字雲長齊宗室自中書郎除左將軍知殿
內文武事得入便殿出爲新安太守吏人懷之

新定志

梁

伏暉字元曜平昌安丘人爲永陽內史在郡清潔
政務安靜郡人何正秀等一百五十四人詣州
言狀湘州刺史以問詔勘有十五事爲吏人所
懷梁武帝善之徙新安太守在郡清恪如永陽
時人賦稅不登者輒以太守田米助之郡多麻
苧家人乃至無以爲繩其厲志如此後召爲國
子博士領長水校尉時始興內史何遠累著清
績武帝擢爲黃門侍郎俄遷信武將軍監吳郡

事暉自以名輩素在遠前爲吏俱稱廉白遠累見擢暉循階而已意望不滿多托疾居家尋求假到東陽迎妹喪因留會稽築宅自表解職詔以爲豫章內史乃出拜書侍御史虞璿奏曰風聞豫章內史伏暉去歲啓假以迎妹喪爲辭因停會稽不去入東之始貨宅賣車以此而推則是本無還意暉歷典二郡少免貪濁此自爲政之本豈得稱功常謂人才品望居何遠之右而遠以清見擢在位轉隆暉深懷誹怨形於詞色天高聽卑無私不照去年十二月二十一日下

詔曰國子博士領長水校尉伏暉爲政廉平宜加將養勿使志望致虧士風可豫章內史豈有人臣奉如此之詔而不忘魂破膽歸罪有司冒寵不辭吝斯苟得故以士流解體行路沸騰辨跡求心無一可恕請以暉大不敬論有詔勿論暉遂得就郡召爲給事黃門侍郎領國子博士未赴卒屬縣始新遂安海寧並同時爲立生祠

梁書傳

謝覽字景滌陳郡陽夏人梁天監中爲新安太守後拜吏部尚書出爲吳興太守郡境多劫爲東

道惠覽下車肅然覽音在新安頗聚歛至是遂
稱廉潔時人方之王述梁書傳

王實琅邪人尚武帝女安吉公主襲爵建城縣公
爲新安太守實從兄來郡就求告實與銅錢五
十萬不聽於郡及道散用從兄密於都市貨還
都求利及去郡數十里實乃知命追之呼從兄
上岸盤頭令卒與杖搏頰乞原方得免舊志
程靈洗字之滌新安海寧人少以勇力聞步行日
二百里便騎善游素爲鄉里畏伏侯景之亂據
黠歛聚徒以拒景景軍據有新安新安太守湘

西鄉侯蕭隱奔依靈洗奉以主盟梁元帝授靈
洗譙州刺史資領新安太守封巴丘縣侯復助
王僧辯鎮防及陳武帝誅僧辯靈洗率所領來
援其夜力戰於石頭西門武帝軍不利遣使招
諭又之乃降帝深義之授蘭陵太守仍助防京
口及平徐嗣徽靈洗有功除南丹楊太守封遂
安縣侯資治通鑑

任昉字彥升樂安博昌人天監中自秘書監出爲
新安太守在郡不事邊幅率然曳杖徒行邑郭
人通詞訟者就路夾馬爲政清省吏人便之百

姓年八十以上者遣戶曹掾訪其寒溫郡有峯嶺及楊梅舊爲太守所采叻以冒險多物故即時停絕吏人咸以百餘年未之有也卒於官惟有桃花米二十石無以爲歛遺言不許以新安一物還都雜木爲棺浣衣爲歛闔境痛惜百姓共立祠堂於城南歲時祠之武帝聞訃方食西苑綠沉瓜投之於槃悲不自勝因屈指曰叻少時常恐不滿五十今四十九可謂知命即日舉哀哭之甚慟追贈太常今祠於學 梁書傳

陳

程文季靈洗之子仕陳文帝爲貞毅將軍時田文政據新安上以文季爲新安太守帥精甲二百徑徃攻之文政戰敗遂降 司馬光資治通鑑

陸縉陳永定中留異割據東陽新安人向文政與異連結以縉爲新安太守討平之 新定志

唐

方亮雒山人初汪華據歙稱王睦爲歙有唐武德四年杜伏威命王雄誕平歙而復是州用亮爲刺史今淳安方氏皆亮後裔有藏武德五年八月二十八日賜亮詔云使持節廬申二州諸軍

事本州刺史方亮徃因喪亂保據邑土識達事
幾早歸朝化勲庸克著誠效遠彰念此勤勞嘉
嘆何極今四方平泰九有廓清宣慰部人脩營
產業秋漸冷卿比平安好在否觀此詔知亮當
唐初嘗不因朝命爲刺史其後納土歸化免其
鄉里屠戮之苦誠節彰著是可嘉也而唐史不
載爲詳錄之

新定志

張後胤字嗣宗蘇州崑山人甫冠以學行禪其家
唐高祖鎮太原引爲客以經授秦王太宗即位
遷燕王府司馬出爲睦州刺史乞骸骨帝顧其
強力問欲何官因陳謝不敢帝曰朕從卿授經
卿從朕求官何所疑後胤頓首願得國子祭酒

授之

唐書

楊元亨隋尚書令素弟之孫元亨庫部郎中弟元
僖爲尚舍奉御善醫武后所信任嘗忤張易之
易之奏素在隋有逆節子孫不可供奉后乃詔
素及兄弟有子若孫不得任京官及侍衛貶元
亨睦州刺史易之誅復京官

劉幽求冀州武疆人開元初進尚書左丞相兼黃
門監俄以太子少保罷二年二月或告幽求有

怨望語下紫微省按問幽求不服姚崇盧懷慎
薛納言於上曰幽求等皆功臣下就閒職微有
沮喪人情或然功業既大榮寵亦深一朝下獄
慮驚遠聽戊子貶爲睦州刺史

宋璟邢州南和人初以國子祭酒留守東都遷離
州長史開元初以離州爲京兆府復爲尹進御
史大夫坐監朝堂杖人杖輕貶睦州刺史圖經
事志云劉幽求宋璟李揆杜牧四人者史雖不
載其政績然以勲名賢德譽望文章言之一州
之政必有可觀史家以其不足道故畧而弗書

今列之賢牧門范仲淹新定感興詩有云孤高
宋開府千載可拳拳其景慕之如此又云稀逢
賢太守多是謫官來自幽求而下有名德者無
非坐謫而至公詩蓋實錄且以自感也今祠於
學 新定志

張伯儀魏州人以戰功隸李光弼軍浙賊袁晁反
使伯儀討平之功第一擢睦州刺史後爲江陵
節度使樸厚不知書然推誠遇人軍中畏肅民
亦便之 新定志

杜亞字次公京兆人肅宗在靈武上書論當世事

擢校書郎再遷諫議大夫元載得罪亞與劉晏
劾治載死遷給事中常袞惡之出爲江西觀察
使德宗立召還亞意必任台宰倍道進與人語
皆天下大政或以事祈謁輒相然可帝知不悅
也罷爲陝虢觀察使徙河中劉晏抵罪貶睦州
刺史興元初入遷刑部侍郎

李幼清姑臧人房義琰之族元和四年爲睦州刺
史與柳宗元友善嘗爲服氣書以遺幼清反覆
戒勸又有同吳武陵贈李睦州詩序其畧云濶
之盜錡竊貨財聚徒黨爲反謀十年天子即位

三年大立制度於是恐恐且奮將遂其不善視
部中良守不爲已用者誣陷去之睦州由是得
罪天子使御史按問館於睦自門及堂皆其私
卒爲衛詞卒致具有間盜遂作而庭臣猶用其
文斥睦州南海上既上道盜以徒百人遮於楚
越之郊戰且走乃得免爲左官吏無幾盜就禽
斬之社垣之外論者謂宜還睦州以明其誣既
更大赦始移永州睦州未嘗有言吳武陵剛健
士也懷不能忍於是勇躍其誠鏗錙其聲出而
爲之詩按李騎以憲宗即位不假借方鎮錡不

自安反據江左常州刺史顏防傳檄蘇杭湖睦
四州同討錡錡以元和二年十一月伏誅則幼
清之貶在錡未敗時較其日月良是而史不載
因詳錄之 新定志

李道古嗣曹成王臯子自司門外郎刺利隨唐睦
四州入爲少宗正兼御史中丞以節督黔中代
柳公綽觀察岳鄂其在睦州嘗作大廳記載永
徽至元和刺史名姓除拜歲月甚備 唐書

李揆字瑞卿系出隴西開元末擢進士第初苗晉
卿數薦元載揆輕載地寒謂晉卿曰龍章鳳姿
士不見用麀頭鼠目子乃求官邪載聞銜之及
秉政奏授試祕書監江淮養疾家百口貧無祿
丐食取給牧守稍厭溷則去之流落凡十六年
載誅始拜睦州刺史入爲國子祭酒禮部尚書
今祠於學 唐書

韓泰字平安唐史謂與帝執誼柳宗元劉禹錫爲
死友有籌畫任叔文所倚重能決大事而不載
其嘗刺睦州據題名紀泰以長慶四年自柳州
刺史拜又得韓愈任袁州刺史薦泰自代狀有
云詞學優長才器端實早登科第亦更臺省往

因過犯貶黜至今十五餘年自領漳州悉心爲
治官吏懲懼不敢爲非百姓安寧並得其所臣
在潮州之日與其州界相接臣之政事遠所不
如乞以代臣庶得允當時泰爲漳州刺史也愈
於人慎許其可褒泰如此則政事必有可稱惜
其爲柳爲睦時不遇愈薦不得表見於後世也

新定志

呂述開成三年自鹽鐵推官祠部郎中拜刺史史
傳不著其履歷今特於題名記見之圖經事志
云嘗得述所作城隍廟碑具載遷建神宇以祈
垂祐於民有云使封境無水旱之虞牧守成富
庶之績又得馬目山建新廟記有云開成己未
歲大旱致精意於神越三日而雨乃沂江四十
里躬擇廟位依山勢以取高架爲新廟明年廟
成率將吏以釁之祝以求賚於斯民亦可見誠
心於愛民者

新定志

杜牧字牧之京兆萬年人會昌中自池州刺史改
睦州刺史樊川集載敢上鹽鐵裴侍郎書有云
鹽鐵重務根本在於江淮今諸鹽院頗不得人
皆以權勢干求又曰某自池州睦州實見其弊

每州皆土豪百姓情愿把鹽每年納利名曰土
鹽商如此之流兩稅之外州縣不敢差役又曰
至如睦州百姓食臨平監鹽其土鹽商被臨平
監追呼求取直是睦州刺史亦與作主不得非
累四千里糧直入城役使即須破散奔走更無
他圖其間搜求胥徒針抽鏤取千計百校惟恐
不多除非吞聲別無赴訴今有明長吏在上傍
縣百里尚敢公爲不法况諸監院皆是以貨得
之恣爲姦欺人無語路况土鹽商皆是州縣大
戶言之根本實可痛心又曰若蒙侍郎改革前
非除江淮之大殘爲侍郎之陰德其言激切以
動上官蓋孜孜爲民如此史家謂敢論列大事
指陳病利尤切至非虛美也其所歷數州必有
異績可記惜乎史逸其傳後世徒仰其文章爾
故特詳錄其書以見嘗有惠愛於此土者今祠
於學 新定志

李文舉以大中六年拜時杜牧知制誥爲制詞曰
夫三尺律令人情出於中爾苟情有不可亦法
無本條正議大夫權知宗正卿上柱國隴西縣
開國伯食邑七百戶賜紫金魚袋李文舉宗室

每州皆土豪百姓情愿把鹽每年納利名曰土
鹽商如此之流兩稅之外州縣不敢差役又曰
至如睦州百姓食臨平監鹽其土鹽商被臨平
監追呼求取直是睦州刺史亦與作主不得非
累四千里糧直入城役使即須破散奔走更無
他圖其間搜求胥徒針抽鏤取千計百校惟恐
不多除非吞聲別無赴訴今有明長吏在上傍
縣百里尚敢公爲不法况諸監院皆是以貨得
之恣爲姦欺人無語路况土鹽商皆是州縣大
力言之根本實可痛心又曰若蒙侍郎改革前
非除江淮之大殘爲侍郎之陰德其言激切以
動上官蓋孜孜爲民如此史家謂敢論列大事
指陳病利尤切至非虛美也其所歷數州必有
異績可記惜乎史逸其傳後世徒仰其文章爾
故特詳錄其書以見嘗有惠愛於此土者今祠
於學 新定志

李文舉以大中六年拜時杜牧知制誥爲制詞曰
夫三尺律令人情出於中爾苟情有不可亦法
無本條正議大夫權知宗正卿上柱國隴西縣
開國伯食邑七百戶賜紫金魚袋李文舉宗室

子孫初以地進系居官次皆著能名是以取自
遠藩擢爲宗正大則提舉郡吏灑掃守奉次則
整訓屬族次第昭穆惟此二者爾之職焉今則
狂盜公然侵犯陵寢毀積之罪已坐首令責帥
之義固難矜寬勉於分憂足以補過可使持節
睦州諸軍事守睦州刺史散官勲封賜如故仍
馳驛赴任按唐宗室世系表文舉太宗子紀王
謹之後陝府兵曹參軍審之子 新定志

牛叢字表齡僧孺之子第進士由藩帥幕府任補
闕數言事會宰相請廣諫負宣宗曰諫臣惟能
舉職爲可奚用衆邪今張符趙璘牛叢使朕聞
所未聞三人足矣以司勳員外郎爲睦州刺史
帝勞曰卿非得怨宰相乎對曰陛下比詔不由
刺史縣令不得任近臣宰相以是擢臣非嫌也
即賜金紫謝曰臣今衣刺史所假緋即賜紫爲
越等乃賜銀緋 新定志

許渾字用晦圉師之後丹陽人或曰睦州人登進
士第拜睦州刺史見唐詩紀事

右元和姓纂載唐人爲睦州刺史者盧國佐盧
煥陳矩元延壽丘神福柳齊物鄭濟魏洵長孫

誼賀蘭嗣先凡十人又載江州刺史李宋宗室
世系表載睦州刺史李無言宰相世系表載睦
州刺史柳齊物長孫誼盧國佐盧鋼孫公義薛
夔韋儋元延壽路惟恕獨孤況凡十人又載江
夏李正臣大理卿姑臧李敷同州刺史而見於
題名者誼延壽齊及盧煥韋儋柳齊又李案註
云自江州刺史拜與姓纂合而正臣與敷二人
者蓋先嘗刺睦州也題名爲可據餘皆莫詳年
代及履歷姑備之

以當作贊
當是齊物

田錫字表聖嘉州人太平興國八年以右補闕知
睦州時睦始歸朝廷人阻禮教錫下車大興庠
序建孔子廟表請入紙國子學印經籍給諸生
講授詔特賜九經還其紙自是人知問學登繒
紳者比比焉今祠於學 舊志

范仲淹字希文蘇州人明道中爲右司諫是歲大
旱蝗江淮尤甚仲淹上疏請遣使循行未報請
間曰宮掖中半日不食當如何今數路艱食安
可置而不恤遂命安撫江淮所至開倉賑乏禁
民淫祀奏蠲廬舒折役茶江東丁口鹽錢以爲

今東南一饑公私空竭其病在於用度不節乃
條上救敝十事會郭皇后廢上書切諫又率諫
官御史伏閣爭之不得明日將留百官揖宰相
廷爭方至待漏院有詔出知睦州既至大興學
校建嚴子陵祠於釣臺復其爲後者四家作詩
曰重父必重母正邦先正家一心回主意十口
向天涯銅虎恩猶厚鱸魚味復佳聖明何以報
沒齒願無邪歲餘徙蘇州今祠於學 新定志
陸軫越州山陰人號朝隱子游之祖也以吏部直
昭文館自會稽移守新定期年請老得分司西
京以歸淳熙十四年元孫游守睦州於是建德
令蘇林以父老之請築祠于兜率院事見渭南
文集

趙抃字閱道衢州人初以曾公亮薦召爲殿中侍
御史彈劾不避權幸京師號鐵面御史常言小
人雖小過當力排而絕之後乃無患君子不幸
而有註誤當保持愛惜以成就其德仁宗晚歲
不豫中外洵懼及康復力言請擇宗室賢子弟
教育於宮中封建任使以示天下大本因是出
知睦州睦歲爲杭市羊爲移文却之民籍有茶

稅而無茶地奏蠲之尤留意庠序作詩以勉諸
生期以深造自得盡力勿倦諸生刻其詩於石
以傳誦焉又作進士登科題名記大率期學者
以誠心竭力企古聖賢勿爲剋章刻句之淺陋
又治平中還自京師道壽昌縣聞進士周大雅
喪親廬墓有群鳥馴其傍即爲請於朝旌以東
帛改鄉曰至孝里曰求忠其孜孜於教化如此
今祠於學 舊志

鮑當宋時知睦州時桐廬縣民某無并刻剝閭里
怨忿咸詛曰死必爲牛一旦死果而隣村產白

犢腹傍有字乃其人鄉社名姓也牛主潛報無
并之子亟往省之悲嘆無計慮其暴露密求市
之索價百千其孤如數售得之養於家未幾針
刺者持千千錢首於鮑曰某氏嘗俾我刺牛腹
約得錢均分今實不均故首吏鞠其刺時云以
刃視去翬毛墨寫而針刺之毛起宛若天然鮑
命黥三姦竄海島

呂希純字子進司空平章軍國重事申國公公著
之子也紹聖元年自中書舍人出知亳州自亳
移睦州以歛發二港歲溢爲患建廟爲文以祭

之又重易定川等門名自是無復水患在州賦
諫為多邦人至今傳誦焉觀其詩其風流文采
可想見也

新定志

蔡肇字天啓丹陽人大觀中自吏部員外郎罷為
宮祠起知睦州有惠愛邦人懷之至今曰蔡吏
部也入為禮部郎中召試中書舍人

柳約建炎三年以集英殿脩撰來知州事時金人
大入列郡震恐約屹保孤城悉力捍禦境內安
堵又上書請合諸郡兵克復吳會時論多之

潘良貴字子賤婺州金華人名望巋然紹興二年

以直龍圖閣知州雖在郡之日甚淺而郡人尊
之至於今不忘其為政可知也今有祠在學宮
列於名侯

新定續志

胡寅字明仲建寧人文定安國之子紹興六年以
徽猷閣待制知州政教並行民用胥勸明年文
定公自衡山抵書曰汝在桐江一年矣大凡從
官作郡一年未遷即有怠意汝宜作三年計日
勤一日思遠大之業未幾移知永州學宮寅所
改作也有祠列於名侯

新定續志

張栻字敬夫廣漢人魏國忠獻浚之子以理學為

朱晦庵呂東萊友乾道五年以直祕閣知州其治不嚴而威不疾而速大抵以教化爲先務表蠲丁益錢綰民以蕃庶旅名山斥淫祠至今遺老猶能誦張直閣烏州學門楮所改創也與呂成公並祠於學景定辛酉對華陽伯秩於從祀知州錢可則倣帝學繪祀因舍萊焉 新定續志

張震宋時知嚴州州舊有章惇祠震即命毀去而以范仲淹易之 新定續志

金安節宋時知嚴州除浙江提刑赴召首言治民之道先德後刑今守令於簿書期會賦稅輸納窮日力辦之而無卓然以教化爲務者願申飭守令 新定續志

蕭燧字照隣臨江人淳熙五年來爲知州嚴地狹財匱始至官蠲不滿三千燧儉以足用二年之間積至十五萬以其羨補積逋諸邑皆寬民德之 新定續志

陸游字務觀越州山陰人年十二能詩文蔭補登仕郎鎖廳薦送第一秦檜孫墳造居其次檜怒至罪主司明年試禮部主司復置游前列檜顧黜之由是爲所嫉檜死始赴福州寧德簿以薦

者言除敕令所刪定官時楊存中久掌禁旅游力陳非便上嘉其言遂罷存中中貴人有市北方珍玩以進者游奏言陛下以損名齋自經籍翰墨外屏而不御小臣不體聖意輒私買珍玩虧損聖德乞嚴行禁絕應詔言非宗室外家雖實有勲勞毋得輒加王爵頃者有以師傅而領殿前都指揮使復有以太尉而領閣門事瀆亂名器乞加訂正遷大理寺司直兼宗正簿孝宗即位遷樞密編脩官兼編類聖政所檢討官史浩黃祖舜薦游善詞章諳典故召見上曰游力

學有聞言論剴切遂賜進士出身入對言陛下初即位乃信詔令以示人之時而官吏將帥一切玩習宜取其尤沮格者與衆棄之和議將成游又以書白二府曰江左自吳以來未有捨建康他都者駐蹕臨安出於權宜形勢不同饋餉不便海道逼近凜然意外之憂一和之後盟誓已立動有拘礙今當與之約建康臨安皆係駐蹕之地北使朝聘或就建康或就臨安則我得暇時建都立國彼不我疑時龍大淵曾覲用事游爲樞臣張燾言覲大淵招權植黨惑聖

聽及今不言異日將不可去燾遽以聞上詰語
所自来燾以游對上怒出判建康府易隆興府
言者論游交結臺諫鼓唱是非力說張浚用兵
免歸久之通判夔州王炎宣撫川陝辟爲幹辦
公事游爲炎陳進取之策以爲經畧中原自長
安始取長安必自隴右始當積粟練兵有彙則
攻無則守吳璘子挺代掌兵頗驕恣傾財結士
屢以過誤殺人炎莫誰何游請玠子拱代挺炎
曰拱怯而寡謀遇敵必敗游曰使挺遇敵安保
其不敗就令有功愈不可駕馭及挺子曦僭叛

游言始驗范成大帥蜀游爲叅議官以文字交
不拘禮法人譏其類放因自號放翁後累遷江
西常平提舉江西災奏撥義倉賑濟檄諸郡發
粟以予民召還給事中趙汝愚馭之遂與祠起
知嚴州過闕陛辭上諭曰嚴陵山水勝處職事
之暇可以賦咏自適再召入見上曰卿筆力回
幹甚善非他人可及除軍器少監紹熙元年遷
禮部郎中兼實錄院檢討官嘉泰二年以孝宗
光宗兩朝實錄及三朝史未就詔游權同脩國
史實錄院同脩撰免奉朝請尋兼秘書監三年

書成遂升寶章閣待制致仕

宋史傳

王佖字元敬金華人淳祐元年以朝奉郎來知州事先是嘉熙四年夏秋大旱及是春民據蔽救死不給路殍相枕籍郡無以救佖下車首局厨傳節浮費一意救荒乞米於朝勸分於鄉靡不盡力民賴以活又脩州學行鄉飲新釣臺書院始教養嚴氏子孫

新定續志

高斯得淳祐七年爲知州嚴環山爲郡雖豐歲猶仰他州至是夏旱斯得蠲租發廩招糴勸分請於朝得米萬石以賑濟民始獲蘇

新定續志

季鏞字伯韶括蒼人淳祐十二年來爲知州時大水被九州闔閭爲壑五日乃縮壞公私廬舍無數民苦溺且饑鏞既至虛已問俗首蠲秋苗十六力控於朝寬京府推糴之令發粟分賑民飽實惠捐抽解場木予被水者戶有差未幾頓復舊觀民亦忘其爲昏墊也乃脩學舍菜菔飲郡政綱目悉舉焉

新定續志

吳槃寶祐二年以朝奉郎知州事多有惠政時帝以御寶黃冊催內藏坊場錢槃奏言內庫理財太急督促太峻龍章鳳篆施於帑藏之催科實

冊泥封下同官吏之文檄居萬乘之崇高而商
賄賂之有無事雖至微關係甚大董宋臣諷臺
諫邵澤劾罷之 宋史

錢可則字正已天台人景定元年來爲知州一年
秋七月浙右大水湖秀爲甚至於冬十月不退
嚴雖水駛不久溺然航粟遂梗民無所得糴趨
利者冒衢婺禁肩負斗斛至價日翔踴可則亟
發廩賑之鏤榜諭俗以儲蓄運糴爲勸力控於
朝弛旁郡糴禁捐帑分糴列四局平糴市價隨
減又稅家運糴應勸分令民以全活 新定續志

右圖經云自太平興國八年田錫以右補闕知州
至雍熙二年去郡後四十九年當景祐元年范
仲淹以右司諫祕閣校理知州皇祐元年陸軫
以吏部郎中直昭文館知州未幾請老以分司
西京歸嘉祐三年趙抃以殿中侍御史知州紹
聖元年呂希純自中書舍人知州大觀三年蔡
肇自吏部員外知州由雍熙而至宣和總百三
十有五年間知州無慮數十人獨此六公名德
巋然云

國朝

王思勝山東人洪武十五年任知府政尚清簡臨
下以莊吏民畏而愛之

季仲蘭浦城人洪武二十年任知府勤於政事有
惠愛及民一郡翕然從化焉

潘惟學寧國人洪武三十二年任知府爲政不苛
推行有漸既去而民思之

李興福建人永樂十年由戶部郎中任知府操履
廉正束吏甚嚴而撫民則寬設置量衡於市以平
交易催科度緩急給牌爲期而民不敢後鄉閭
無吏卒之擾

徐孔竒豐城人宣德六年以刑部主事來知府事
在任多善政民至今思之惜乎舊志逸其行事
不得而詳焉

萬觀字經訓南昌人宣德八年由監察御史任臨
下莊肅處事詳審脩舉廢墜重建嚴先生祠以
表厲風俗留心學校作興人材時稱賢守

張永字邵齡四川南充人天順三年由禮部主客
司主事任知府悉心民隱興利除弊嘗督衆墾
闢沙渚田二千八百餘畝陞科授民均徭役定
賦稅裁弓段之妄費減水夫之倍尅民有貧不

能殯葬者或諭令鄰保相助或量給公帑羨餘
周之注意學校擇郡縣軍民生之俊異者講學
於廳事後之肅敬軒日程其業多所造就辛巳
歲郡被水災即以上聞減夏稅之半尤善鑑別
訴訟日受民詞立爲斷遣獄無囚繫治稱神明
堂東西懸二牌云分毫都許神入察方寸直教
天地知嘗有白鵲雙棲庭木寮屬吏民咸謂清
白所致九載秩滿戒行民庶攀轅不舍懷金以
賸悉却之曰九年無德及爾爾何厚我遂賦詩
云堪羨民心忠厚多菲才爭柰命窮何若教富
貴皆由我頭上青天管甚麼陞江西左叅政遷
右布政使而卒

朱暄字景文高郵州人成化五年由監察御史任
知府庶能有爲吏不敢欺扶植善良豪強皆斂
跡興廢舉墜多有建置内外公署煥然一新父
老咸謂百年以來所未有也築城南堤以禦水
患東門至富春驛舊路湫隘暄拓爲坦途夾植
以柳相望數里人號朱公柳作興學校待諸生
饋廩尤厚今學門櫺星門皆其創也又買地爲
義塚以葬死而無所殯者民尤德之九年考滿

陞福建右叅政而卒今春秋祀於郡學之名宦祠

李德恢東安人弘治二年任知府揭申教養榜一十八條自六禮八政以至耕種曲盡生民之要興廢去弊切當民瘼一時翕然稱之乃脩理學校作興士類其功尤偉見吳伯通記至於脩子陵祠刻釣臺殿陵八景詩集若干卷行于世又嘗慨圖經新定續志等書湮廢日久選諸生唐珪等博極群書編輯郡志四十餘卷士民傳誦不衰在任九年陞叅政去勲業文章巋然爲一時之望云

胡韶鄱陽人弘治十二年任知府立心公直政在得民處僚友以義接士夫以禮課士興賢撤清訟簡在嚴八年時有胡青天之號陞湖廣布政司叅政歷官至刑部侍郎郡人尚書胡拱辰有去思碑記

孟春字時元山西澤州人正德三年任知府政務寬平不脩邊幅每與諸生議論經史終日不倦課士則嚴別等第以示勸懲士有以非禮干之者未嘗一聽尤憫恤孤苦寬刑弛禁嘗謂人曰

嚴為睦州民淳簡吾何以重罰為哉牧民之
道固當如此秩滿陞太僕寺少卿歷官吏部左
侍郎

蔣淦廣西全州人嘉靖三年任知府政務寬平事
亦就緒在郡二年以內艱去任後補廣東惠州
府知府歷官工部侍郎

陳煥字德彰貴溪人嘉靖八年由刑部郎中任知
府廉靜有守政務寬平尤重學校選七學諸生
集玄妙觀聘學行之優者分教之崇尚張朱正
學閱試課藝寒暑不輟歲行鄉約選評望重者

表率之朔望講 御訓旌善紀過以行賞罰三
年而化洽焉先是俗重嫁女有不育者乃嚴滄
沒多媒之禁生齒日繁其入覲也行李蕭然後
卒於官無以為殮士民悲慟控之當道檄祀名
宦祠

吳世澤字宗仁福建連江人嘉靖十四年任知府
居官明慎政體練達節用愛民興賢勸學時遂
安礦徒猖獗親搗其巢擒其首惡又衢婺大水
汜濫入城豫為之備民心乃安秩滿陞廣西按
察司副使郡人國子博士吳世良為之傳

宿應麟初名應參山東掖縣人嘉靖三十四年任知府鯁介剛方得於天性而循良愷悌之風每於禮人接物見之在任三年豪右屏跡猾胥斂手獄無寃民後以督木使者至弗爲下被逮至京尋釋出歷官河南按察副使

周望字道見東莞人嘉靖四十三年由工部郎中任知府爲政忠信廉白綽有古風建德縣學科第久乏周視建安山陽風氣攸鍾極力改之其賢勞悉見脩學記中嘗脩東西兩湖以備旱潦地方利賴焉又裁驛遞之冗役省供應之虛費

三年之間積金七千五百餘兩悉貯府庫款貸民稅後江山借之築城并遂安城所費多其遺也

同知 漢及宋元無考

唐

劉長卿字文房丹陽人官監察御史以檢校祠部員外郎爲轉運使判官知淮南鄂岳轉運留後鄂岳觀察使吳仲孺誣奏貶潘州南巴尉會有爲之辯者除睦州司馬終隨州刺史以詩馳聲上元寶應間皇甫湜云詩未有劉長卿一句已

呼宋玉為老兵矣其名重如此見唐詩紀事

杜咸擢進士第累遷左臺監察御史後遷侍御史

出為汾州長史開元中為河北按察使坐用法

深貶睦州司馬

崔善貞浙西布衣德宗時上書闕下暴觀察使李

錡恃恩驚橫天下權酒漕運錡得專之故朝廷

用事臣錡以利交餘皆乾沒於私國用日耗帝

械以賜錡錡豫浚大坎至則并械壅坎中間者

切齒憲宗即位召錡為左僕射錡反下詔削官

爵既敗送京師腰斬於城西南贈善貞睦州司

國朝

鄭才字時用廣州南海人成化二十年任同知歷

練老成識達政務律已廉介分毫無取於民清

軍伍定徭役公而且明好詩文嘗刻嚴子陵釣

臺集行於世弘治三年朝覲卒於京人皆惜

之

趙章山東臨清州人正德中為刑部員外郎車駕

南巡伏闕極諫廷杖撞落四齒謫本府同知愛

民故費孜孜不倦任久不遷尋陞長史士論惜

之

楊惟執廣東揭陽人由四川劍州知州陞同知性
勁直而濟以溫和然其心惟懼政之不行而人
之見忤是以君子敬之小人忌之當道初不盡
知遂以原任調爲可惜也

通判

唐

韓洵字幼深京兆長安人以父休蔭補弘文生滿
歲參調吏部侍郎達奚珣以地望抑之除意懷
太子陵令無愠容祿山之亂家七人遇害洵避
難江南蔬食不聽樂乾元中授睦州別駕劉宴
表爲屯田員外郎知楊子留後

宋

郭希卿字子奇天台人端平三年由太社令來爲
添差通判延納儒生誨以義理之學一干以私
輒叱去郡政不逮多所正救部使者以訟牒屬
之日旁午希卿從容剖決大抵以厚風俗美教
化爲本舞文弄法之徒毒莫能道邦人士翕然
尊之後召爲太博及居言路皆稱其官世以不
及大用爲惜子和中寶祐五年以兩易來繼父
官其精明實似之

張方平字安道宋景祐間以賢良方正獻直言極諫射策優等遷著作佐郎通判睦州時范文正公自諫官出知州去未幾而方平來邦人榮之彭思永宋時通判睦州有治績台州大水敗城思永往攝數月公私之舍皆具築城高於前

國朝

劉未寬湖廣江夏人初授松江府通判成化七年改除嚴州爲人剛介廉潔不避權要發姦捷伏人以其神秩滿陞霸州知州

孫曜直隸丹陽人嘉靖六年任本府通判居官清慎有爲事母至孝檄委督木舟次淳安黃江潭值母壽日徘徊江渚攫得一石宛如桃狀奉而遙祝舟中之人亦皆羅拜相慶士大夫咸詩歌以頌之人以其爲孝感所致

胡文彬徽州績溪人嘉靖三十年任通判爲政清苦自勵事事縝密察友重其爲人時同鄉爲督府者人皆趨之而彬若不識也未幾去任士論惜之

陳彞山東青州衛人隆慶四年任通判之官携一子一僕布衣蔬食澹如也歲以俸十二金奉母

餘悉賑貧乏及罪贖之莫辨者馭下嚴而有禮
人不敢玩署篆桐廬增脩祭器俱出俸資桐民
某人罪坐侵欺編伍立爲反正淳民有先塚爲
豪右所發往按之夢一偉丈夫投二句云可憐
千古興亡事只在今宵一夢中翌晨有以帕裹
其頭顱如斗大來訴竊發者遂伏辜焉撫按廉
委視松江嘉興運司事多所建白寬灶丁災傷
四千八百有奇代還送者如堵在郡數年始終
如一尋以內艱去行李蕭然後補大名府官至
大理寺評事卒

推官

宋

錢即宋時爲睦州推官部使者有獄在衢啖即以
薦牘使往治即曰吾寧老冗選中豈忍以數十
人易一薦乎至則平反之

元

楊維禎字庶夫紹興山陰人登進士第授承事郎
天台縣尹爲嚴州府理刑官改紹興錢清場司
令坐損鹽久不調放浪錢塘與道士張伯雨遊
西湖窮日爲樂

國初召諸儒考禮樂維禎與焉既而得疾歸卒人稱
為鐵崖先生

國朝

夏鼎貴溪人弘治十一年任推官陞臨清知州去
嘉靖間子夏言為大學士知府盛應陽奏鼎在
郡日有惠澤奉 旨建祠焉

劉泉直隸常熟人嘉靖三十年任本府推官立心
耿介馭事敏捷闔郡豪右無不歛跡署印淳安
風清弊絕胥吏畏之凡以人命許訟或服藥縊
死圖詐者鞠出真情不給埋窆乃風始息尋卒

于官士民悼之

宋璘字玉輝來安人嘉靖丙辰授嚴州節推性慈
而慧狷介務體要嘗謂刑官代大匠斲也鞠獄
必三覆迺決諸當路不能決者畢歸之淳安人
某以毆殺事連坐廉得狀立為平反視篆建德
故賦絹例金入長官裁去亡敢饋者 九廟鉅
工索材木公監焉徽大賈胡某持金為獻拒之
賈人不悟倍其金公竣拒迺已于陵祠祀市田
三十畝俾歲葺且供祭事其裔窶而鰥居助之
使婚白督學公界衣中以世厥祠無何卒于官

教授

宋

呂祖謙字伯恭婺州金華人學者稱爲東萊先生
乾道五年需大學博士次來爲郡員外博士鐸
音大振士由遠方負笈者日衆泮宮至不足以
容之在學著春秋講義明年張南軒拭爲守政
教胥善南軒奏免丁錢狀先生所作也與南軒
並祠於學寶慶間其子延年宰建德邦人見之
如見先生景定辛酉追封爲開封伯秩於從祀
知州錢可則倣帝學繪祀因舍萊馬

徐僑字崇父婺州義烏人從東萊晦庵二先生游
開禧和戎僑適以謁選留京陳所以折虜之策
雖言不果用而朝論韙之留爲京學教授僑竟
從選部授觀察推官來嚴在郡多所裨贊事有
不可必反復論諍不爲矯激意雖異已者又益
知敬郡守欽舉僑適同寮有謀合穎去者僑遜
先之再舉卒不受朝紳以學洞聖原行表鄉曲
薦之遂以掌故登朝後仕至工部侍郎與參政
真西山德秀俱繫時望焉今祠於學

袁樞宋時爲嚴州教授常喜誦司馬資治通鑑苦

其浩博乃區別其事而貫通之說通鑑紀事本末楊誠齋爲之序詳文獻通考

國朝

廖思敬永樂中任本府教授孝行素著啓迪亦勤未幾改常州府學奉勅國修五經四書大全林光字緝熙別號南川廣東東莞人弘治間授嚴州教授性敦厚和易與人接藹然益於言貌士以是親就日益衆造人不枉其材質有資穎異者與之講白沙自然之學率有成立嚴人故醇樸且宋博士呂伯恭理學遺風於是聞光教益

孳孳焉至今人有慕之興起者初光領鄉薦既而詣江門從白沙陳獻章游誅茅攬山爲脩業之所因杜門不出時湛若水張詡與同門咸負遠望獨光深契其宗旨故白沙往往與光札語意最微而詳嘗遺之詩云萬紫千紅外如君正可人桐江都滿樹海驛尚含春嗣夢憶光紀以詩曰酒闌歌不起老病無奈何夢滿桐江雨相對不成歌又曰山樓本無夢我自夢嚴州嚴州誰夢我白雲天際流其屬意於光如此

吳恩蘇州府吳縣人嘉靖間以知縣左遷府學教

授心地坦夷性天高爽齋居清素未嘗設酒日
與諸生譚藝了無惰容尤長於詩下筆盈千餘
言行草得懷素風骨當時翕然宗之稱為白海
先生秩滿陞廣東高州府通判

易信江西分宜縣人嘉靖間自廣德學正陞府學
教授性資嚴峻態度軒豁課士以文督士以行
故一時翕然相勸勉貧者捐俸助其喪葬諸生
有不率教者則面責之未嘗假借是以人皆敬
而愛之當道諗其才檄視縣篆每峻却之不能
得陞國子監學錄諸生為立去思碑

訓導

國朝

吳箕寧國人隆慶四年任訓導學有本原闢齋危
坐終日與神明伍言行可法門生有領畧者言
之不厭重復其未悟者使反而思之求自得之
嚴士興起於學所著詩文甚富當道薦其賢二
載陞鄧州學正

徐鳴玉江陰人隆慶間任訓導時吳箕適去而鳴
玉來嚴士愈有倚賴其學本王文成良知之旨
每諭諸生涵養本體居敬敦倫間有超悟者亟

進之在任一年致仕去所著有綜貫正紀儒學
一覽文籍世編歷代人物氏名紀文籍源流等
書行于世

建德縣

知縣

晉

孫統字承公太原人馮翊太守楚之孫善屬文與
弟綽齊名統獨誕任不羈時人以爲有楚風家
于會稽性好山水求爲鄞令轉在吳寧今建德縣居
職不留心碎務縱意游肆名山勝川靡不窮究

後爲餘姚令卒綽亦累遷散騎常侍領著作郎
史臣贊曰統綽昆弟江左馳聲彬彬藻思卓冠
群英棣華秀發名顯中興可謂無忝爾祖統竟
淪迹下邑窮觀勝地會其心焉綽獻直論辭都
不懼元子有匪躬之節豈徒文雅而已哉晉史

齊

沈瑀吳興武康人南朝齊時爲建德令教人一丁
種十五株桑四株柿及梨栗女丁半之頃之成
林民咸感悅

唐

房瑄字次律河南人開元中爲監察御史坐訊獄
非是貶睦州司戶參軍復爲建德令所至尚德
化興善利以治最顯後拜相封清河郡公

宋

趙與楨宗室子家信安咸淳元年以奉議郎來知
縣事二年民以旱澇告遂請於朝得粟一萬斛
以濟三年陞通判建德府暨解任以積下俸錢
併通判廳辦備堂從物錢預爲建德人戶代輸
咸淳四年茶租錢一全年於府其救荒惠政詳
見黃宗仁記

國朝

顧執中鎮江人洪武六年爲知縣朔建祀典壇場
施設有方民不知勞籍人戶丁田之數分爲數
等有科差則親閱其籍量事之輕重難易務得
其平十夫一小牌百夫一大牌以木櫃盛之遇
有發遣則量數給牌役畢即收牌置之別櫃以
備稽考周而復始民無徭役不均之嘆焉

侯康遠弋陽人宣德三年爲知縣新邑治興學校
推誠撫字甚有惠政在任九年民生樂業邑人
至今思之

向正湖廣人正德間任知縣當王浩八之亂督府鎮守司道並集府城供億調度悉有條理民得少安甚稱獲上治民之職

陳嘉猷廣東番禺人嘉靖九年由淳安教諭陞知縣事寬以愛民勤以聽政自朝至夕不肯少懈可謂以民心爲己心處官事如家事者也考滿陞嘉興府判人懷其惠焉

縣丞

宋

李彥頴宋時爲建德縣丞方改秩時宰知其才將

處之學官或勸使一見彥頴恥自獻竟不往

主簿

宋

劉清之字子澄清江人紹興中爲建德縣主簿請於州俾民自實其戶由是賦役平爭訟息

吳淵宋嘉定中爲建德主簿丞相史彌遠館留之語竟日大悅謂淵曰君國器也今開化新置尉欲以此處君淵對曰甫得一官何敢躁進彌遠爲之改容

淳安縣

知縣舊志賀齊有傳今併入郡守傳內

唐

陳明府青州人失其名唐龍德中爲青溪令黃巢之亂與其二子率邑人避兵于進賢鄉之屏風巖上巢兵圍之七日乃引弓發石擊之巢兵大潰殺傷不可勝計澗流盡赤邑人德之今巖上有陳府君祠

宋

張棲筠鄱陽人乾道六年爲知縣在任以廉能稱邑人祠之

陳曄字日華福唐人直敷文閣輝之仲子淳熙五年知淳安存心寬仁聽訟平恕脩學校置祭器時詔州府舉行義役曄集大姓于庭多方諭之衆皆聽命於是青溪鄉千仞里項訓慨然割田爲倡曄嘉之更其鄉曰和義里曰歸善縣有古渠淤塞不治曄浚治之又作惠人橋於合洋浦築錦溪館以延使客民甚便之邑人塑像祠于學宮今入名宦祠

楊恕京口人嘉慶三年爲知縣公勤廉慎吏畏而民懷之

應與權黃巖人嘉定間因親老不仕寧宗嘉其孝授淳安縣以便養公勤廉恕興學勸農人皆德之愛淳安溪山之勝遂家于邑之西隅焉

虞旣字退夫蜀之陵陽人承相允支孫也淳祐五年令淳安才諳敏贍縣當積敝令長鞅掌猾胥旁緣爲姦號稱難治旣以銓格得調朋儕交訾言其地之不善旣曰邑以淳得名安可厚誣入境延父老詰致弊之原布信寬期豪右斂跡決旬之間民皆大怡於是葺學宮築齋廬治壇社建麗譙除賓館次第舉行其去也淳人思之今

入名宦祠

曾子良臨川人咸淳末爲知縣清慎自守時邊事已急多方保障民賴以安後以說籍其家惟故書敗絮而已君子惜之

國朝

鄧廷瓚巴陵人由進士景泰六年到任秩滿陞太僕丞累官至右都御史總督兩廣其令淳安平易廉明坦率任貞不拘小節處群下小民如家人父子民思其德久而不忘守程蕃地雜夷獠不繩以中州文法治蹟丕著及得代

朝旨特留半載爲代者式巡撫貴州適都勻犯順璜
統兵征勦相機畫策大致克捷若有神助及在
兩廣恩威益著民夷懷服 名臣言行錄

王衡稷山人由進士成化二年到任廉而有爲百
廢悉舉作興學校激勵士風重建尊經閣創游
息所大學士邑人商輅爲記再考陞監察御史
張羽直隸楊州人由進士弘治十年到任清慎自
持愛恤民隱事簡訟息作興學校士類向風俸
給量入爲出不求贏餘囊篋常蕭然監司相繼
獎勞以外艱去任後補臨海擢御史陞知府淳
人思之不替入名宦祠

陳渭四川江津縣人由進士弘治十四年到任公
清仁恕吏畏民懷巡按獎其賢能尋遷知州歷
官至叅議淳人久而歌思之

金選湖廣荊門州人由進士正德七年到任志樂
恬淡不能隨俗俯仰節用愛民緩於催科田野
樂業然兩造在庭或不即剖決當道以是少之
尋得調去任之際民不忍舍爲作去思碑

海瑞字以賢廣東瓊山人嘉靖三十七年任知縣
索已臨民省財節用公服一襲未嘗更新在淳

六年始終一節興賢飭武百廢並興時有都御史某者將理鹽政由嚴過淳供億甚侈瑞爲書諫止之竟迂道他往民困以甦秩滿陞嘉興府通判尋爲言者所中改江西興國縣知縣尋遷戶部主事極言時事詔獄釋出累官都察院僉都御史淳人至今思之爲之立祠知縣戴庭槐撰碑記之

縣丞

國朝

成斐直隸揚州人正德元年到任守法奉公不憚

拳勢而民心仰戴政聲大著巡按薦其治才得遷枝江縣知縣

王紳湖廣蘄水縣人正德十二年到任廉能守法謹畏奉公乘馬墜崖而卒邑人憐而悲之

何天啓貴溪人由嘉靖壬辰進士爲戶科給事中存心耿介遇事敢言謫淳安縣丞公清勁直政令嚴明懲猾吏之侵漁禁奸民之圖詐麗譙典建百廢俱興諸生從遊其門多所引進陞嘉善知縣擢浙江僉事淳人思之

王應奇上海人嘉靖間任淳安丞心地坦夷立身

方正士民懷之去任之日淳人立碑以紀去意
主簿

宋

范鎔金華人嘉定中爲淳安縣主簿公勤廉慎尤
善屬文與知縣楊恕同寅協恭民賴以安恕作
清勤堂鎔爲之記

國朝

尹克柔永樂三年到任公勤廉謹士民懷之去任
日民爲立石以誦其德

典史

宋

周操紹興九年爲淳安縣尉盜遁姦屏德洽惠敷
葺一室於官廨西序爲藏書校讐之所題曰柱
笏軒其詩有子猷老去身無用挂頰朝來穩着
山之句後官羣吏部尚書

元

鄭千齡字耆卿新安人延祐六年爲淳安縣尉存
心民隱百廢並興構晦庵之祠表融堂之墓闢
梅隱之軒新南部之廟善政迭出淳安之尉以
千齡稱首

國朝

潘廣湖廣人正德四年到任清廉勤慎惠愛慈祥
尋以功超陞秀水縣丞

教諭

國朝

王端華亭人訓迪有方一時科第多所成就

洪通歙縣人弘治九年到任威嚴整肅啓迪有方
校文湖廣福建咸稱得人後陞義烏知縣歷桂
林通判道州知州

叢佳直隸楊州人嘉靖十五年任風儀媚秀才思

融望之若神仙中人年甫三十蒞任始學詩
倚齋吟咏朝夕不懈期年之間綽有佳致聞者
稱之尋以丁憂去

孟希臯湖廣永定衛人萬曆四年以海寧訓導陞
本學教諭坦直光明克承家學未嘗見其有愠
怒之色其在海寧啓迪士類多與薦者在淳振
作如海寧時士皆嚮化期年暴卒門人爲服心
喪邑人無不流涕者

訓導

國朝

夏嚴仲本邑人洪武初任博學多才尤能發明義理之學弟子及門者隨其材之高下而成就之時人稱焉

孫綱當塗人學博行醇才諳濬發校文江西四川得人爲多後陞廣信府同知

黃講字彥通莆田人博文強記督學臨郡考校輒奇其文取入浙江鄉試尋脩縣志臣國子典簿

桐廬縣

知縣

宋

刁衍秣陵人太平興國三年以太祝知縣事就轉將作監丞在縣有政績嘗撰睦州大廳記寧國寺碑後知睦州又撰釣臺碑至今傳焉

袁韶四明人嘉定中爲縣令時邑多宗室持縣事無有善去者韶始至絕私謁人莫敢撓錢塘岸歲爲潮齧率取石桐廬韶言廟子山有石不必旁取鄰郡遂得未免邑人德之後爲尚書贈太師越國公

趙汝澧宗室子嘉熙元年以奉議郎來知縣事撥縣帑五千緡增置學田添助養士又創屋三楹

於常平倉後捐已俸糴豐糴歛名曰惠民倉邑人便之

李友仁宋咸淳十年爲知縣至元十三年二月二十日元兵入臨安文天祥潰軍十萬人至縣之東溪友仁撤浮橋拒之潰軍毀民屋爲筏以濟二十二日入縣治求擊友仁其頭目執五人斬之焚屍沙上火烈風盛延及縣市頃刻而盡友仁引所招樞密院軍千人走泊釣臺守臣方曰令友仁還縣弗聽亟命土人楊德藻權縣迎蕭王二郎中歸附德藻即水南私家爲縣治應接軍馬費用爲之空竭友仁軍既潰尋病死

國朝

楊信邯鄲人永樂中由太學生知縣事蒞政廉勤人不敢干以私拘人惟發信牌不遣吏卒民有訟庭決之不復下獄囹圄爲空秩滿耆民張彥亨等三百餘人詣闕保留復任九年以壽終李堅唐縣人天順間由監察御史左遷典史陞桐廬知縣精於法律聽斷明決遇事敢爲不避權勢捐俸設倉以濟民饑均徭省役以舒民力政脩務舉威惠並行豪強畏之小民愛之數十年

以來爲令者莫能及也未幾朝觀卒於途郡
守張永嘆曰清官自矣烏之一慟少保姚文敏
公薨時在禮部緘詞遣奠深致惜焉

馬隆肇縣人成化中爲知縣持身廉潔處事視義
可否浮議不能惑縣治廳歲久傾圮前令因循
不暇脩葺隆撤而新之不勞民力任三年粗衣
糲食有人所不堪者隆處之泰然也未幾以外
艱去尋陞監察御史

何琬順德縣人由進士成化十一年任平心御物
行所無事立三限催科之期禁隸卒下鄉之擾
剖決如流悉中理法吏不敢欺獄無滯囚百姓
安堵清白自守閱四載以材行超卓擢監察御
史

盧勗東莞縣人由進士成化十六年任德器溫粹
政尚寬平尋陞工部主事

陳和龍巖縣人弘治十四年任蒞政剛果守職廉
慎勤強植善每以民之父母自任尋擢監察御
史既去民思之

丁楷懷寧人正德元年任寬厚廉明愛人節用興
學校正風俗未暮年而政成嘗懇禱止雨拜火

夏風二年以母喪去後擢監察御史

曹珪黃岡縣人正德七年任筆翰如流優於吏治
時頻年旱暵又江西盜起遣軍南下珪倉卒經
畫事濟而民不擾當道賈之改海寧縣後陞監
察御史

孫瓚陽穀縣人正德八年任耿介不阿廉平有守

九年以內艱去任士民至今稱之

張參字應辰華亭縣人嘉靖四年任公明聽斷奸
僞屏息五年間朝覲過家以疾辭人皆惜其
在位之未久而不完其所用云

胡岐字希文歙縣人嘉靖八年任岐賦性剛斷獄
無宿淹修學校置祭器省里甲之差均驛遞之
役建倉廩儲穀六千以賑匱乏度荒歎蠲稅二
百餘以甦貧窮三載考最擢戶部主事士民為
之立去思碑

吳紳字克服莆田人嘉靖三十三年任紳嗜學慕
古愛民出自真誠老敦風化重學校建安樂書
院晉諸生講學課文啓迪不倦在任三年行鄉
約建社倉均徭役飭武備陞常州府判所著四
書講意社倉記鄉約詩論一卷集諸書行于世

縣丞

國朝

聶敏河南人由進士洪武二十一年任均徭後以便民嚴法律以繩吏尋為吏所誣謫戍于邊既得申雪復任柳城知縣

朱得之字本思靖江人天性強毅從王陽明先生學心悟而力行之歸聚徒講學大江南北多從焉嘉靖三十三年丞桐廬以正學啓士類以古行導守百姓士民咸服致仕去著書數卷

主簿

宋

賈廷佐字子野東陽人登紹興進士以左迪功郎任桐廬主簿時高宗遣使和議廷佐屢上書諫止且言讐恥不可忘名分不可貶和約不可信請誅王倫拘虜使決意用兵大意與胡銓同後累官大理司直知慶州致仕贈朝奉大夫

國朝

沈炤字文明嘉定縣人由進士正德九年以給事中左遷桐廬縣主簿安分盡職下士愛民均夫役省民財次年陞新昌縣知縣累官廣東僉事

典史

國朝

胡茂實眉州人正德七年任時劇賊王浩八聚哨
衢歛茂實承檄率兵守把開化馬金等處擊斬
賊徒幕府論功行賞

教諭

國朝

楊瑛溧陽人由進士永樂中以便養授桐廬教諭
博洽多聞端方嚴毅士類多所成就擢杭州府
教授

張文淵莆田縣人成化中任桐廬學教諭博學能
詩勤於啓迪嘗自咏云才疎僅可償詩債俸薄
猶堪了酒錢其瀟灑不凡類如此

遂安縣

知縣

唐

路敬潛貝州臨清人神龍中來爲縣令先是縣令
至多死敬潛欲辭不赴其妻曰君不死獄而得
全非生死有命耶從之到官有梟嘯其屏鼠數
十走于前左右驅之擁杖而號敬潛不爲懼遷

衛令終中書舍人

元

張裕至元間爲縣尹有善政脩學校建公宇役均
訟平邑內翕然稱治民甚德之

朱倬至正間爲縣尹以興學爲先務鄰境盜竊發
倬集鄉民禦之邑賴以安迨今人稱頌之

國朝

張元吉字子成洪武三年任知縣脩先師廟飾聖
賢像有裨文教

胡子澄永樂間爲知縣律已廉勤撫民仁恕興學
育才廢墜悉舉號稱賢令

成禮字用和直隸阜城人景泰六年任知縣勤於
幹濟事安民安其政績之詳見商輅重修文廟
記遷海州同知

張璫秦州人成化六年由進士授遂安令以廉介
律已以愷悌臨民均賦役興學校治水利革宿
弊不惟流亡漸復舊業而豪強亦皆奉法循理
未幾去任邑民保留不可得至今思慕之

朱福字天錫直隸吳縣人成化十年任知縣善於
其職陞監察御史先是邑志福所纂也

張學字習之直隸常熟人由舉人弘治三年任政
多惠愛民立祠祀之

容九霄字子升廣西陽朔人正德七年任知縣持
身廉介處事明敏歲癸酉流賊侵關化官兵集
遂境數萬人守巡閩帥駐節者數十輩謀報旁
午賊迫馬金泉望風奔潰公獨毅然率民兵結
寨於高喬山手弓矢殺數賊催其鋒賊憚之遁
去隨力請設險創為城郭之制後四十年立碑
以記其蹟

胡仲謀字啓忠湖廣蘄水人嘉靖元年任知縣沉
毅樸訥識鑒明確臨事不苟未嘗以辭色假人
民之奸良一見無能遁者在任三年豪猾斂迹

問閩樂業

唐繼祿字子廉直隸上海人由進士嘉靖三十三
年任知縣簡靜端慤政尚寬平以行取去民勒
碑志思見何雲鴈記歷官僉都御史

縣丞

國朝

王受玉山縣人宣德初任遂安縣丞政平訟理士
民安之擢監察御史陞廣西僉事

譚體常湖廣鄱縣人嘉靖二十九年任遂安縣丞
慈惠廉謹士民稱之有餘思焉
主簿

國朝

楊守恭洪武三十年任廉明惠愛時人稱之秩滿
陞西安縣知縣

蒙應龍字子化廣東仁化人嘉靖二十二年任謙
慎詳明端方果毅遷沅陵縣丞

教諭

國朝

達兼善西域人元蘭臺御史洪武初歿復其官力
辭就教授遂安教諭兼善素有時名著作詳元
文類中

訓導

國朝

徐衍揭陽人正德中由舉人授遂安訓導庚辰春
例會試天下士衍與遂邑鄉貢余錢同舟北上
錢病篤同行者以試期迫俱從陸路往衍獨不
忍去錢亦勸之行衍曰死生之際大矣脫某去
君將何賴日夜與調理錢亦漸就痊可乃扶之

入京北又扶之入試錄遂舉進士因與為骨肉
交一時人士聞而義之

壽昌縣

知縣

唐

戴筠景福二年為壽昌令開西湖畜新亭坂之餘
水東開暗溝五百餘丈引湖水從東門出溉東
郭之田復作橋于湖上以便行者民至今賴之

宋

陳澤民元祐中來知縣事有惠政于民後為戶部

郎邑人思之因其所鑿山泉以戶部泉名之

黎舉德景定間知縣事為政寬厚民安其化娛情

山水之間作南昌滕景亭屏山第一峰涵碧亭

又作龍首亭於青龍山後人望其亭者以比甘

棠又率邑人徐南一等建朝京橋於白艾溪過

者至今賴之

元

王子玉至元間知縣事居官多惠政真誠不欺時

江南新附法制未定徭役繁劇子玉每抱告詣

府拜且泣訴民不堪卒得減差科為定一府十

分之一終元之世迄無更改民到于今德之
馬世榮大德間知縣事先是溪水橫流道路滄沒
世榮率民於宋公橋下沿溪築堤以障其流邑
人德之號馬公堤

趙文煥字用章懷慶人正間知縣事一以愛人
節用爲本有老馬且耗民不知以厚價市之爲
驛騎其子受直以告文煥不荅明日召市馬者
曰吾馬不堪入站吾子利直給爾也亟反之其
忠厚如此

李炎字漢弼本邑溪南人宋恩貢進士德祐末臨
安不守元將唆都率衆焚掠備極慘酷將至壽
昌人民逃竄山谷間者不可勝計炎與二三父
老謀迎之且開陳好生不殺之說唆都威霽於
是糾率邑衆持金帛具酒食以犒其軍定爲約
東唆都大悅遂止殺掠邑賴以全乃以爲知縣
撫新附之民裁剪豪強保安良善興學校脩水
利政化大行後以疾卒於家

國朝

彭子冲字允升江西安福人洪武五年我
太祖知其賢擢知縣事秉性剛介舉動光明時承元

未兵火之後市井殘破廨宇草創于冲至慨然以興衰起弊爲已任首刼儒宮次建會通橋脩塘堰築壇場發奸擿伏吏不敢欺在任四年政平訟息陞池州府同知既去而民思之

牛敬禮洪武八年擢壽昌令撫字有方催科得法律身廉謹從卒亦不得入其門後遭疾伏枕吏胡伯俊問疾饋熟鷄一隻蘿蔔一斗其妻以告敬禮曰我疾旣篤得此物食之能愈否使食之即愈猶且不可况死生有命豈可受人無故之物玷辱身名可速還之良久而逝

周炯字彥宗江西撫州人洪武三十年知縣事梗直公亮善書好吟雖宴居必正容貌在官務抑豪強撫良善政平訟息門庭如水後膺薦舉陞河南陝州知州民至今思之

范衷豐城人宣德七年以進士來爲令公正仁恕卓有能聲流民間知皆復舊業荒田之闢二十有六頃水利之興三百四十有六所饑者老者疾者咸得其飽煖焉九年任滿邑民千餘人列狀借留復任丁外艱去邑民懷之

童軒鄱陽人由進士授戶科給事中成化元年左

遷壽昌知縣興學愛民政多可紀尤善吟咏有
清風亭藁行於世在任三年陞雲南提學僉事
歷官至禮部尚書

汪宗禮繁昌人由進士授監察御史弘治二年左
遷壽昌知縣抑強扶弱修敞植頽正經界省徭
役勤考課振文風吏治聿新士民懷德尋卒于
官入名宦祠

顧問字子承蘄州人由進士嘉靖十八年任心存
仁厚政在恤民時邑遭水患賑貸惟勤薄賦輕
徭罷一切不急之費朞月而民甦於是增黌宮

勤考課表節義戒溺女新門閤飭壇壝百度並
舉三年而政成擢監察御史士民懷之立去思
碑

縣丞

國朝

楊移金谿人永樂十一年任清心正已毫忽不私
委造海船綜理周密先是本縣造船緣弊為奸
高價包攬移令船戶自造送驛其弊遂革後以
丁憂去士民思之

主簿

元

海魯丁西域功臣子孫至正十七年任三年再陞
宣差制服豪強用法平恕士民安之其去也板
轅祖餞擁道遮留邑人徐友玉為建去思亭
典史

元

李思誠字宗德青齊人至元中為壽昌尉博洽經
史勸學興賢建齋室門廡繪先賢遺像又構翼
教堂茶鑪琴室煥然一新其歸省也作十八詠
詩以遺學者由是士知嚮風

教諭

國朝

朱瀚邵武人嘉靖中任操柯端方規條嚴密肅然
以師道自任學者稱之

訓導

國朝

林俊莆田人由舉人為壽昌訓導以身範物義不
苟取諸生有貧乏者分俸給之超陞荆門知州

分水縣

知縣

宋

鞠嗣復錢塘人宣和間以正郎權知縣事遇寇至無援為賊所執罵賊不屈賊不敢害竟免于難尋除知睦州未任而卒

江瑛寶祐元年為知縣有惠政時縣經兵火自儒學外民家盡為煨燼瑛興廢舉墜區畫得宜以漸脩葺之民不知勞云

王志道咸淳間為縣令政尚寬平撫民如嬰兒折節下士專尚德化每於學校歎然自憾其教之未至以西鄉新田為養士之資復為之立定武

士民咸思之

國朝

金師古錢塘人洪武六年任師古在縣政令嚴明奸豪屏跡介然自守吏畏之不敢欺脩築壇壝教民播種有遺惠陞永州府同知邑民思慕之
祀名宦祠

樂武湖廣泰陵縣人景泰三年任在縣務振刷脩縣治及學校併各祠宇多賴其功焉

鄒以倫福建清流縣人成化二十一年任事上不阿臨民不霄力抗不道明破無稽邑民賴之祀

名宦祠

何榮廣東順德縣人弘治三年任榮為令寬厚持
已平易近民首重學校更制宮牆廡齋舍宇煥
然聿新作興士類至今猶賴其澤祀名宦祠
顧瑛直隸太倉人正德九年任瑛為令務簡靜與
民相安有去思碑在縣堂右

王敏直隸常熟人嘉靖三十六年任敏為令多德
政有去思碑

王鑛福建閩縣人嘉靖三十二年任鑛無城郭為
築四門脩武備造演武亭

李崇謙直隸廣德州人嘉靖三十八年任為令興
學校建鍾樓以護風氣周恤寒士撫綏善良脩
葺城隍廟有記陞臨江府通判士民思之

徐鏗廣東程鄉人嘉靖四十四年任為令政尚威
嚴加意學校作興士類創書院率諸士肄業其
中士民至今思之

縣丞

宋

黃璘字邦美福建建寧人政和八年登第除分水
丞存心民隱善類以安改密州教官再丞拱州

襄邑金人南侵璘赴井死詔贈朝奉郎 建寧人物志

嚴州府志卷之十終

嚴州府志卷之十一

嚴州府知府楊守仁 主脩

同知龔天申

通判趙秉致

推官宋行可 同脩

四川布政使司左叅政徐楚纂脩

嚴州府儒學訓導楊德興

嚴州府儒學訓導葉萼

淳安縣儒學訓導顧汝紳校正

嚴州府儒學生員徐方

建德縣儒學生員張世聞

淳安縣儒學生員徐應壽

桐廬縣儒學生員羅昌齡

遂安縣儒學生員吳兆麒

壽昌縣儒學生員李度

分水縣儒學生員陳復華彙集

嚴州府

選舉志

國家做古為治取士之制初用薦辟後行選舉賢良方正經明行修既乃藝試甲科得人為盛鄉舉里

選亦列正途其曰

恩廕授官則又寵待臣工賞延懋官之殊典也粵自洪武甲科以來此邦人才輩出芳騰藝苑秩重黃扉列柱石于三公森藩垣于九牧臺諫蹇諤郎曹忠盡守令循良孰非由此其選也詩曰王國克生維周之禎濟濟多士文王以寧斯之謂矣爰稽漢唐暨我

聖明作選舉志

甲科

大廷射策出身有差辟召奏名間亦用之豈

曰顯名益慎師資匪躬蹇蹇令譽永垂

嚴州府

漢舉賢良方正

方儲淳安人官至太常

唐初不列鄉舉止列進士題名

進士

神龍中

吳少微淳安人官至監察御史

開元中

吳鞏淳安人官至中書舍人

大曆六年

章八元桐廬人仕至協律郎

元和中

皇甫湜淳安人賢良方正第一官至工部郎中

元和十四年

章孝標桐廬人仕至大理寺評事

元和十五年

施肩吾分水人唐制進士第一

大中七年

陳毅桐廬人任知縣

大中八年唐鏢榜

李頌壽昌人仕至刺史

光啓三年柳玘榜

翁洮壽昌人仕至員外郎

宋

咸平三年陳堯咨榜

王冕建德人

黃務本淳安人

邵煥淳安人仕至員外郎

景德二年李迪榜

葛昂建德人

徐舜俞

孫敏建德人

大中祥符五年徐奭榜

許墀建德人

大中祥符八年蔡齊榜

余華遂安人官至翰林史館

天禧三年王整榜

王言

許湜建德人

鄭大榮壽昌人

天聖二年宋郊榜

王稷壽昌人

天聖五年王堯臣榜

葛閱

邵炳淳安人官至校書郎

天聖八年王拱辰榜

方楷桐廬人

項宣淳安人

景祐元年張唐卿榜

皇甫遼桐廬人

鄭通壽昌人

慶曆二年楊賓榜

吳仲舉壽昌人仕至朝散大夫 倪天秩建德人

方載桐廬人

慶曆六年賈黯榜

胡楚材壽昌人仕至校書郎 倪天鎮建德人

王庭堅

周彥德

皇祐元年馮京榜

王庭筠

項隨淳安人

胡英材壽昌人

皇甫朝光桐廬人

胡之彥

皇祐五年鄭獬榜

邵景初淳安人

王中敏壽昌人

盛僑

許升卿

包彝賓

嘉祐二年章衡榜

方仲謀淳安人官至殿中徐任

包廓

嘉祐四年劉輝榜

陳向

嘉祐六年王俊民榜

顧中

喻房建德人

嘉祐八年許將榜

項陟淳安人

葉浚壽昌人仕至太

治平二年彭汝礪榜

皇甫師中桐廬人

治平四年許安世榜

江公著建德人

方蒙桐廬人仕至提

熙寧三年章燠榜

余舜琪遂安人任國子學

熙寧六年余中榜

舒煥

鄭奔壽昌人

許大希

王知元

江公望淳安人

熙寧九年徐鐸榜

吳傳

元豐二年時彥榜

胡希壽昌人

江公佐建德人

元豐五年黃裳榜

吳陶

元豐八年焦蹈榜

倪直侯建德人

倪直儒建德人

姜周臣

王澤

吳純壽昌人

王沃

余寬

范寔

徐儔

徐儔壽昌人

范寔桐廬人

元祐三年李常寧榜

方行可淳安人

元祐六年馬涓榜

方鼎桐廬人

方參桐廬人

鄭彥壽昌人仕至國子監

元祐九年畢漸榜

胡之輔

元符二年

朱戡進士出身

邵嘉言壽昌人

江公明建德人

徐舜元壽昌人

元符三年李金榜

方逸

李淳壽昌人

詹林遂安人

江公亮建德人

崇寧元年

王昇

建德人左丞陸佃以學行薦賜諸州教授先授湖州又轉壽州

崇寧二年霍端友榜

王大年

詹至

胡獻可壽昌人

胡嘉言壽昌人仕至吏部侍郎

胡國瑞

盛良貴

方閻淳安人官至光祿大夫

徐敏中淳安人官至朝議大夫

詹大聲

崇寧三年幸太學賜上舍生鄭南以下釋褐

方聞淳安人官至光祿大夫

崇寧五年蔡薏榜

王縉分水人仕司諫

邵愈淳安人

朱彪建德人

郎申之

大觀二年幸太學賜貢士王俱十四人釋褐

葉天倪

大觀三年賈安宅榜

葉天將壽昌人

方闕淳安人官至朝請大夫

王朴

王彥中

詹公著 遂安人

胡端平 壽昌人

詹之綱 遂安人

姜師仲 建德人

皇甫存 桐廬人

政和二年莫儔榜

葉義雄

江邈

翁範 壽昌人

朱異 遂安人

王禹同

政和三年幸太學賜貢士陳公輔十九人釋褐

葉三省 壽昌人任給事中

政和五年何臬榜

方元若 桐廬人

邵嘉瑞 壽昌人

唐濟

喻彥先 建德人

范大亨 桐廬人

翁開 壽昌人任縣尉

傅巖叟

詹大方 遂安人

徐時中

方安行 桐廬人

政和八年嘉王榜

黃大知 淳安人

王大卞

邵大受 淳安人官至刑部 翁田 壽昌人

詹千之 遂安人

唐處仁 淳安人

詹大和 遂安人

鄭滋 壽昌人

詹天秩 遂安人

方慈 桐廬人 仕至禮部侍郎

宣和三年何渙榜

陸時雍 淳安人 官至知建昌軍 江舜俞

宣和六年沈晦榜

詹棫 遂安人 吳玘 壽昌人

葉義應 壽昌人 唐友仁

范大方 桐廬人 郎希周

詹檉 遂安人 錢公舉

胡國佐 壽昌人

建炎二年李易榜

葉義問 壽昌人 仕至吏部侍郎 盛光祖

吳震 倪成脩

方元昭 桐廬人 喻樗 建德人 仕至提舉

紹興二年張九成榜

王郊 建德人 范堦

邵拱 淳安人 官至朝奉大夫 洪基

鄧伸之 桐廬人 張綱

魏公啓 王允明

紹興五年汪應辰榜

王日勤

分永人仕至參議

王日休

分永人仕至朝奉大夫

方邁

余執度

江脩

紹興八年黃公度榜

葉義權

壽昌人

喻仲達

建德人

陳得心

桐廬人

范世脩

桐廬人

紹興十二年陳誠之榜

葉真卿

壽昌人

邵延孫

壽昌人

邵延祚

壽昌人

項忱

淳安人

方庭

詹百之

遂安人

王若訥

紹興十五年劉章榜

洪嘉瑞

淳安人仕至朝奉

黃安仁

淳安人

紹興二十一年趙達榜

詹儀之

遂安人

唐友聞

汪虛中

建德人

紹興二十四年張孝祥榜

范端臣

胡當可

馬大同

建德人官至兵部侍郎

陳大鼎

紹興二十七年王十朋榜

方聞一

唐廷堅 壽昌人

胡一之

淳安人官至德昌

胡南逢

淳安人官至吏部司封郎

鄧朴 建德人

王覺民

紹興三十年梁克家榜

趙彥逾 建德人

葉永升

朱大和

隆興元年木待問榜

王椿

徐衡 淳安人

方玠 壽昌人任知縣

王恬 建德人

方有開 淳安人官至淮西

徐孝恭 淳安人任主簿

何煇

姚舜陟

乾道二年蕭國梁榜

趙彥肅 建德人

余宰

方懋恭 桐廬人

鄧光 建德人

翁孟麟

方應之

余仁時

乾道五年鄭僑榜

姜大中 建德人

方炳 桐廬人

方括 淳安人

詹淵

方慈烈 桐廬人

章諤

乾道八年黃定榜

胡朝穎 淳安人官至提刑

淳熙二年詹駉榜

詹駉 遂安人狀元

詹傲之 遂安人

王勇

方壯猷 桐廬人

邵夢得 淳安人

方挺之 桐廬人

淳熙五年姚穎榜

方岳

趙璉夫

顏紱

邵朴

淳熙八年黃由榜

鄭紹伊 淳安人官至紹興趙伯友建德人

朱承顏 建德人 姜石

方奇之 桐廬人

淳熙十一年衛涇榜

洪彥章 淳安人官至知興王中純

淳熙十三年高宗慶恩出官

王中實 上舍釋褐

淳熙十四年王容榜

鄭燁 淳安人 盧南一 淳安人

王中虛

周炳然

余光大 遂安人

胡揚祖 壽昌人

紹熙元年余復榜
邵瓚 淳安人

方佃 淳安人

洪琰 淳安人 官至清江司

洪璞 淳安人 官至通判

吳初 壽昌人

趙不姁 建德人

趙彥廻 建德人

葉謙

紹熙四年陳亮榜
王允升

詹炎 遂安人

項肆

黃茂

慶元二年鄒應龍榜
王臨

張松

童堯民 遂安人

邵伯麟

慶元五年曾從龍榜
周師成 壽昌人

童興宗

鄭誨 桐廬人

胡夢龍 建德人

嘉泰二年傳行簡榜

邵一飛 壽昌人

滕承孫建德人

許大聲建德人

盧端誼淳安人官至縣令

葉子儀

方賜復

開禧元年毛自知榜

洪夢良

淳安人仕至經筵講官

方祕桐廬人

邵原淳安人官至副使

趙汝端建德人

趙彥巖建德人

趙儻夫建德人

嘉定元年鄭自誠榜

胡誠一淳安人官至推官
馬高建德人

王錫

方甫淳安人

嘉定四年趙建大榜

柴銳建德人

方萬里建德人

趙璣夫建德人

嘉定七年袁甫榜

吳應酉

詹仁澤遂安人

林炎建德人

趙槩夫建德人

方淳淳安人

葉夢符

王立中

王直

嘉定十年吳潛榜

鄭希呂淳安人官至參軍
余大淵

趙希蓬

鄭穎壽昌人仕至嘉禾守

嘉定十三年劉渭榜

金友龍

嘉定十六年蔣重珍榜

鄭聞

周高遂安人

俞誠一分水人

趙師緯建德人

寶慶二年王曾龍榜

洪夢炎

淳安人官至司農

余肆遂安人

葉微

馬登龍建德人

葉端平

趙孟脩建德人

趙師緝建德人

趙熿夫建德人

趙汝綰建德人

趙汝得建德人

趙彥岳建德人

紹定二年黃朴榜

方應祺建德人

洪牧建德人

汪自強

淳安人官至大理寺卿

胡伯驥

淳安人任通判

紹定五年徐元杰榜

江時舉

桐廬

洪揚祖

淳安人官至正字

姚夢角

建德人

李濟

端平二年吳叔告榜

江應發桐廬人

趙由迪建德人

鄭元龍壽昌人

嘉熙二年周坦榜

鄭觀壽昌人

邵應豹淳安人

林旂淳安人

方若

吳季子淳安人官至縣尉

徐義甫淳安人仕至參軍

王鉉淳安人

何應旂

方洪建德人

趙綵夫建德人

淳祐元年徐儼夫榜

邵甲建德人

翁應弼壽昌人任工部侍郎

黃宗仁淳安人官至少卿

洪松龍淳安人官至朝散

淳祐四年留夢炎榜

余夢洪

胡夢魁

舒文龍

淳祐七年張淵微榜

黃蛻榜眼淳安人官至大理卿

葉曇

趙與崇建德人

洪元忠淳安人

方元善

趙傲夫

翁文龍壽昌人

翁旂壽昌人

李鴻翼

淳祐九年方逢辰榜

方逢辰

狀元淳安人官至兵部侍郎

方登 桐廬人

方吉

淳安人

馬季麟 建德人

吳洪意

淳安人官至度支郎

洪蘭 淳安人

胡夢麟

淳安人

寶祐元年姚勉榜

黃應揆 建德人

葉弘祖

任發桂 淳安人

洪承祖

淳安人官縣簿

方績

淳安人

寶祐四年文天祥榜

洪文伯

淳安人官至迪功郎

趙與東 建德人

黃嘉

淳安人官至推官

洪伏龍

淳安人

盧萬里

淳安人官至文林郎

趙時賽

壽昌人

鄭涇

壽昌人

開慶元年周震炎榜

洪榕

何應斗

淳安人

翁蒙正

壽昌人

鄭琚

壽昌人任參軍

景定三年方山京榜

方延午

方槐

吳雄飛淳安人官至太常寺簿 胡順昌淳安人

余義端 濮桂發桐廬人

胡夢高淳安人 方龍榮淳安人

周濂

咸淳元年阮登炳榜

何夢桂淳安人中探花任御史 盧逢聖淳安人官至府知錄

項雷震淳安人 吳攀龍淳安人任縣簿

何景文淳安人官至監行在文思院 趙樹夫建德人

趙必儻建德人 趙由暹建德人

趙必灑建德人 趙神夫建德人

趙希微建德人 趙楨夫建德人

趙希瀉建德人 趙時訥建德人

咸淳四年陳文龍榜

傅崧之壽昌人榜眼 何洪淳安人官從仕郎

邵魁倫淳安人 方逢炳淳安人

徐唐佐淳安人官至行在權院官 方有孚淳安人

邵惟敏淳安人任縣簿 盧逢堯淳安人官至農興司戶

洪熊子淳安人 邵炎發淳安人

方鑑壽昌人 傅明龍壽昌人

周雄建德人 朱文龍建德人

趙必范 建德人

趙希泐 建德人

孫潼發 桐廬人任判官

童虎臣 淳安人武舉

咸淳六年

洪燿 淳安人釋褐

徐文鳳 壽昌人任知縣

咸淳七年張鎮孫榜

魏新之 桐廬人任教授

項虎特 淳安人官至脩職郎

駱自得 桐廬人任縣丞

邵桂子 淳安人任教

洪振孫 淳安人官至司理

何炎起 淳安人

洪應高 淳安人

洪仁俊 淳安人

洪天瑞 淳安人任縣尉

咸淳十年王龍澤榜

方逢昌 淳安人

童伯和 淳安人

方召虎 淳安人武舉

袁易 桐廬人

德祐元年

齊龍高 釋第一淳安人任教授

元

大定二年

吳暉 淳安人任經歷

至順二年

方道獻 淳安人任府判官

至順四年

宋夢鼎淳安人官至知奉化州

至正十一年

魯淵淳安人官至提舉

方子京分水人任教授

大德五年

李天祐壽昌人

鄭錫壽昌人

鄭潛壽昌人

鄭夢得壽昌人

至治元年宋本榜

王之義遂安人

國朝

洪武元年

俞峴

洪武三年

周潼淳安人任主簿

俞明高

洪武十八年花綸榜

魯瞻淳安人任工部主事
高安淳安人

姚文珙

金仕安相廬人任縣丞

姚侃桐廬人仕至刑部主事

洪武二十一年任亨泰榜

徐昇壽昌人任御史

盧義淳安人仕至知府

洪武三十年

洪堪 淳安人仕至御史

洪武三十三年胡靖榜

童銓 淳安人仕至副使

永樂二年曾榮榜

郎慶 建德人

毛毅 桐廬人任伴讀

烏濬

方昶 淳安人任同知

余珉

永樂十三年陳循榜

余思寬 遂安人仕至副使

葉政 壽昌人任御史

袁初 桐廬人任教諭

永樂十六年李騏榜

方豫 淳安人

鄭鏊 壽昌人任給事

永樂十九年曾鶴齡榜

洪嶼 淳安人仕至吏部侍

宣德二年馬愉榜

徐朝宗 分水人仕至按察

宣德八年曹鼎榜

項文曜 淳安人仕至吏部

正統元年周旋榜

周瑄 淳安人仕至副使

正統四年施盤榜

胡拱辰 淳安人仕至工部尚書謚莊懿

正統七年劉儼榜

姚夔 桐廬人仕至吏部尚書謚文毅 姚龍 桐廬人

俞鑑 桐廬人 郎勝 建德人

正統十年商輅榜

商輅 三元淳安人仕至大學士謚文毅 應顯 淳安人仕至參政

柴文顯

正統十三年彭時榜

何陞 淳安人 方輔 淳安人仕至參議

余複 遂安人仕至布政

景泰二年柯潛榜

宋旻 淳安人仕至都御史 吳福 淳安人仕至郎中

洪弼 淳安人仕至布政

景泰五年孫賢榜

許閻 淳安人仕至御史 呂聲 桐廬人

天順元年黎淳榜

徐貫 淳安人仕至工部尚書謚康懿 何禮 淳安人仕至兵部郎中

方中 淳安人仕至副使

天順四年王一夔榜

徐鑑淳安人仕至參議 徐懷建德人

項文泰淳安人仕至工部郎中

天順七年彭教榜

姚壁桐廬人仕至兵部郎中 俞澤桐廬人

俞蓋桐廬人任御史

成化二年羅倫榜

商良臣淳安人仕至侍講學士 徐莊壽昌人仕至參議

何淳淳安人仕至廉使 王賓淳安人仕至知府

成化五年張昇榜

邵猷淳安人仕知縣 邵新淳安人仕至參政

余祿遂安人 吳祚淳安人仕至御史

成化八年吳寬榜

徐節壽昌人仕至都御史 洪廷臣淳安人仕至僉事

成化十一年謝遷榜

吳倬淳安人仕至廉使 吳誠淳安人仕至郎中

盧鴻淳安人仕至主事 胡榮淳安人仕至知縣

成化十四年曾彥榜

蔣泰建德人 凌文憲遂安人仕知府

成化十七年王華榜

王宥淳安人仕參政
程愈淳安人仕至參議

成化二十三年費宏榜

郎滋建德人

弘治三年錢福榜

俞諫桐廬人仕至都御史謚莊襄

弘治九年朱希周榜

王子言淳安人仕至布政

弘治十五年康海榜

方天雨淳安人仕參議
何紹正淳安人仕至參政

弘治十八年顧鼎臣榜

王子謨淳安人仕至參議
何渥建德人

正德三年呂柟榜

王浚建德人仕至侍郎
吳欽淳安人仕至僉事

正德十二年舒芬榜

俞夔建德人仕至布政

正德十六年楊惟聰榜

余鈺遂安人仕至布政

嘉靖二年姚涑榜

俞稷建德人仕至御史

嘉靖五年龔用卿榜

徐汝圭

淳安人仕至副使

嘉靖八年羅洪先榜

徐淡 淳安人仕至知府

嘉靖十四年韓應龍榜

羅椿枝 桐廬人仕至主事

嘉靖十七年茅璜榜

徐楚 淳安人仕至參政

吳世良 遂安人仕至五經博士

嘉靖二十年沈坤榜

何雲鴈 分水人仕至參政

陳鑰 分水人

嘉靖二十九年唐汝楫榜

詹理 遂安人仕至御史

嘉靖四十一年徐時行榜

李臺

壽昌人福建布政使 徐廷綬 淳安人副使

嘉靖四十四年范應期榜

胡同文 壽昌人任副使

隆慶二年羅萬化榜

余乾貞

遂安人見任御史

辟召 附

嚴州府

建德縣

王昇任待制
魯謙任參議
唐宗魯任工部侍郎

林貢任知縣
邵仕鵬任推官

淳安縣

方操射任尚書僕射
錢時閱任翰林檢校
陸震發任教諭

方一夔任教授
方仲謀任中丞
洪揚祖任正字

方燧任教諭
徐尊生應舉任翰林
洪璞任通判

汪一初任提舉
許魯同任知縣
呂渭任縣丞

周康任知縣
俞溥任教授
汪性初任訓導

汪縉長任供奉直學
商慶任知縣
邵仲宜任縣丞

洪濤任訓導
宋伯英任學錄
李宗魯任知府

張復任訓導
徐清任通判
余郁任御史

王以中郎任員外郎
洪子祥任通判
項天曙任典史

何敦善任知州
盧行仲中任給事中
方宗道

夏嚴仲任訓導
商仲仁任大使
吳璠任都事

汪良仁審理任正府
何昭善任知縣

桐廬縣

陳毅任知縣
章魯風任
范孝禮任刺史

卓良心任同知
駱子禮任主簿
王納任僉事

魏潛任知府
魏溶任御史
鄭龍任巡檢

皇甫友之簿任主簿
張冠任知府
徐膺任縣丞

姚坡任訓導 潘初任少卿 屠秘

姚崇禮任河泊 徐自得任僉事 李遠任知縣

陳日新任知縣 王惟善 魏讓任縣丞

劉原芳任知縣 吳仲齡任知縣 袁樟任知事

江聞任通判 俞來之任主簿 袁仕真任驛丞

黃澤任知府 袁瑀任經歷 濮昌齡儀賓

王一言儀賓

遂安縣

詹埠民任知府 周助任僉事 王文牧任知縣

壽昌縣

鄭大署任校書 鄭璫任評事 徐誼任知府

胡榮任長事 方添童任知縣 周淵明任參議

方暉任知縣 李平任至御史 徐豫

周瑒任至知府 邵子俊 胡伯希

徐天祐 諸葛阡任參議 方德進

李瑣任推官 周士銘 舒文毅

方本 李熾任知府 何執中

周慶 項稷 趙元彬

周華任御史 李大用任大僕 方暉

分水縣

何逢原

任中書舍人

谷珍

任知縣

何正

任巡檢

方子京

王輿 任教諭

方曆 任教諭

徐文彪

胡彥彬 任御史

繆宗善 任經歷

王宗文

劉禎 任同知

王叔貞 任倉事

方宗

任行人

章景安

任給事中

詹琛 任巡檢

從斗

任知府

從輝 任學錄

郎瑄 任知縣

陳純

任同知

張瑛 任訓導

邵昂 任訓導

王榮

任照磨

特奏名

附

宋制南省下第仍候鄉舉再舉至五舉鄉試不

淳安縣

第者特奏名同學究出身今查建德遂安俱無

邵燦

任侍郎

徐槩

項庸

邵瑰

洪烈 任戶曹

方奕

邵琉

方進

方衰

邵奮

邵全

方調可

方之邵

邵大亮

邵中孚

方闈

方師心

邵悅

胡德載

解陟明

洪師鸞

邵尚志

邵若無

錢大椿 任縣尹

呂發

余廷芳

宋國昌

邵緯

項杞

徐孝寧

練羽

徐孝友

王賢佐

邵廷瑞

洪嘉淑 任推官

徐天驥

徐珏 任縣令

項肆 任知縣

盧琰 任支事

方復道

洪寓 進士

方丙

余瓊 進士任將

曹復

徐綏 任縣令

邵知萬

方策

徐榮

徐綸

徐纘

黃大立

王忱

洪益 任迪功郎

洪汝真

洪正臣

邵三傑

項納言 進士

方易

邵詒 任主簿

邵仙許

胡伯熊

余森 任從仕郎

吳栢

黃大用

項仲和

金應龍

洪唐卿 任通判

童演 進士

邵經

洪必昌 任總督

邵夢麟

任宗辰

洪大任 任迪功郎

方應酉

汪錫任 任涇縣

盧會龍 任縣丞

童元龍

方叔元

宋亨龍

黃準

洪夢桂

方逢振 任寺簿

呂人龍

方元秀

錢允文任知縣 洪辰龍

洪開

周亦傑

胡應璣

桐廬縣

姚仁壽任承教

壽昌縣

鄭大署

郭用

李憲任學正

吳椿年

鄭相之

徐海龜

徐忠

徐隆

鄭文瑜

鄭會龍

鄭銘

李濟任縣丞

分水縣

徐凝任侍郎

按持奏名始于宋仁宗景祐元年詔曰鄉學之

士蕃取人之略狹孤寒棲遲或老而不得進朕

甚憫之其令南省就試進士諸科十取其二進

士五舉年五十諸科六舉年六十嘗經殿試進

士三舉諸科五舉及嘗預先朝鄉試雖試文不

合格毋輒去皆以名聞自此率以為常故謂特

奏名觀此則特奏名與進士似當有別舊志繫

列于進士非是

廢叙

位陟鉅卿嗣承厥蔭教育成才言教之任
聖主懷賢恩覃下涉世德作求侈心是禁

嚴州府

建德縣

國朝

徐璋刑部侍郎懷長子以父蔭補國子生官至

無極縣知縣

宋琮右都御史旻長子以父貴補國子生

王用宣刑部侍郎浚長子以父蔭補國子生授

光祿寺署丞歷唐府長史

張熙按察使瑛之子以父恩授羅田縣主簿

淳安縣

商良輔大學士文毅公輅次子以父蔭補國子

生仕至大僕卿

方玉大僕卿漢長子以父蔭補國子生

項禮侍郎文曜長子以父蔭補國子生

商汝謙大學士文毅公輅長孫以祖蔭仕尚寶

司丞

胡孟陽尚書莊懿公拱辰長子以父蔭補國子

生任寺丞

徐願尚書康懿公貫長子以父廕補國子生仕

象州知州

商承慶文毅公輅曾孫以祖廕仕中書舍人

胡鋌尚書莊懿公拱辰孫以祖廕補國子生

桐廬縣

俞偉字時邁鑑之子景泰二年以父廕入大學

是年循例依親未及取用卒于家

姚璽字吉甫少保文敏公夔之中子少俊敏好

學強記成化間以父廕入大學授中書舍人

秩滿陞南京兵部武庫清吏司主事歷官

韶州府知府

俞一凱字舜舉太子太保莊襄公諫之子以父

廕入大學

俞一鶴字舜年諫之季子以父平寇功廕入太

學

俞應裕莊襄公諫之孫以祖廕任湖廣武昌府

通判

俞希范應裕子以曾祖諫廕入太學